

大清會典

內務府

大清會典

內務府

掌儀司

○凡

皇子婚禮既

指婚則宣

制辭

皇子於

指婚後由府奏定吉期並請

簡夫婦偕老之大臣一人襄事屆日襄事大

臣偕福晉父蟒服詣乾清門東階下福晉父

北面跪襄事大臣西面宣制辭曰今以某



氏女。作配與皇子某為福晉。福晉父母承制訖。行三跪九叩禮。退。擇日。皇子綵服往見福晉父母。至門。福晉父母及族衆均跪迎於門內外。皇子入陞堂。皇子拜。福晉父母俱拜。出。俱跪送。公主下嫁。指婚後。襄事大臣宣制辭曰。今以某公主。擇配某額駙。其儀與

皇子
指婚同。納采則

頒賜。

皇子納采。具儀幣。金約領一。銜東珠七。大金簪五。銜珍珠各五。小金簪三。銜珍珠各一。金珥一。銜東珠二。金釧四。金衣鈕百。銀衣鈕二百。製衣貂皮一百有四十。製帽貂皮三。製衾褥狐皮二百有五十。緣朝衣水獺皮七。采幣表裏一百端。棉三百斤。賜福晉父。金十兩。銀七百兩。

狐皮朝衣一。薰貂帽一。金帶佩飾鞞襪具。馬一。鞍轡具。福晉母。銜珍珠金珥六。狐欣袍一。緣朝衣貂皮六。馬一。鞍轡具。以總管大臣將事。福晉父。朝服迎於大門外。入陳儀幣於堂。陳幣於階上。陳馬於中階下。以次授福晉父。福晉父跪受訖。率子弟等序立於中階下之東。望闕行三跪九叩禮。福晉母率諸婦出。序立於中階下之西。望闕行六肅三跪三拜禮。總管大臣退。福晉父送於門外。及婚。總管大臣率屬以迎。皇子成婚。既

擇吉。由司會禮部奏進儀注。前一日。福晉家以奩具送。皇子宫陳設。屆日。皇子蟒服詣皇帝。皇后前行禮。若妃嬪所出。並詣行禮。總管大臣率屬官二十人蟒服。護軍四

十名。至福晉第奉迎。豫派隨從命婦。詣福晉家
祇候。贊事命婦。詣皇子宮內別室祇俟。步軍
統領飭屬清道。鑾儀衛備綵輿。轎用紅緞幃。以
校尉舁行。福晉家咸綵服以俟。校尉奉綵輿陳
於中堂。執事女官以陞輿吉時告。福晉禮服陞
輿。母率諸婦送於庭。父率子弟送於門。太監舁
綵輿行。女官隨從出大門乘馬。總管大臣率屬
及護軍前後導護行。至紫禁城門外。衆下馬
步入。女官隨綵輿入。至皇子宮前下輿。女官
恭導入宮。合盃吉時屆。贊事命婦上合盃酒。
皇子與福晉行合盃禮。執事皆退。翌日。皇子
偕福晉夙興朝服。內管領妻二人。引導詣
皇帝。皇后前行朝見禮。皇子三跪九叩。
福晉六肅三跪三拜。如妃嬪所出。並詣行

禮。皇子二跪二叩。福晉四肅二跪二拜。既婚
之九日。行歸寧禮。皇子偕福晉至福晉第設
燕畢。偕還。

皇孫

皇曾孫婚禮亦如之。

皇孫婚禮納采。大金簪三。
綠朝服海龍皮七。采幣表裏

八十端。棉二百五十斤。餘物與皇子同。皇
曾孫婚禮。納采。金珥二。金衣鈕六十。銀衣鈕一
百有三十。采幣表裏五十端。棉一百七十斤。餘
物與皇孫同。賜福晉父母物。均與皇子同。惟
皇曾孫用金六兩。銀四百兩。其婚
儀均與皇子同。既分府則於各府第行禮。

○凡公主下嫁。則先進其駝馬甲冑。

公主下嫁。初定日。額

駝進一九禮。駝一馬八。成婚前一日。額駝進九。九禮。鞍馬各二九。甲冑二九。駝六。馬二十一。

屆吉備羊酒。

合盃禮。額駝備羊酒各九。前期額駝蟒服。率族人詣。乾清門外。

內右門外。各行三跪九叩禮。府屬官率鑾儀衛校尉。以公主奩具詣額駝邸第。內管領命婦陳設。屆日。陪送之王福晉貝勒貝子夫人。暨總管大臣命婦二人。內管領命婦十人。皆盛服。於宮外別室祇候。贊事命婦。豫詣額駝邸別室祇候。步軍統領飭屬清道。鑾儀衛備儀仗綵輿。總管大臣一人。官屬四人。內管領二人。護軍參領二人。護軍校二人。蟒袍補服。偕護軍二十名。於

綵輿所出

宮門前祇候。陞輿吉時。屆公主吉服詣。皇帝。皇后前行禮。若。妃。嬪

所出。並詣行禮。命婦導翼陞輿。太監昇輿行。出宮。儀仗前列。陪送之福晉夫人及隨從命婦。

登輿隨行。總管大臣內管領乘騎稍遠導從。參領及護軍乘騎護行。詣額駝邸第。及門。眾下馬步入。儀仗止。及儀門。各官止。輿入至廳事正中。輿止。命婦階下下輿。陞堂。導公主出輿。福晉夫人下輿。隨公主入室。額駝父禮賓於外堂。額駝母禮賓於中堂。饗各執事人。合盃吉時。屆贊事命婦上合盃酒。設燕。額駝與公主行合盃禮。眾退。九日歸寧。行謝。恩禮。公主額駝夙興朝服。公主詣。皇帝。皇后及所出之。妃。嬪前行禮。額駝詣。乾清門外。內右門外。

行禮。如奉 旨入 宮。則偕公主行禮。乃具媵送。固倫和碩公主

珥。金銀器物。冠服。衾褥。采幣。素珠。鞍轡。馬駝。磁器。木器。女子。人戶。莊頭。並 賜額駙素珠。冠

服。玉帶。金帶。各異其數。若下嫁 設護衛。固倫公

外藩及朝臣。其奩贈亦有別。三品翎頂長史一人。頭等護衛一人。二等護衛

二人。三等護衛二人。六品典儀二人。其看守正

門。派府屬護軍叅領一人。護軍校護軍十人。兩

翼門派散秩官一人。領催披甲各五人。兩角門

每處各領催披甲十人。和碩公主府。設四品翎

頂長史一人。二等護衛二人。三等護衛一人。六

品七品典儀各一人。其看守正門。派府屬護軍

校一人。委署護軍校護軍十人。兩翼門派散秩

官一人。領催披甲十人。其餘八品太監一人。導

引隨從府屬官一人。府屬護軍叅領一人。護軍

校二人。護軍二十人。固倫公主和碩公主並同。

如公主下嫁外藩。已出游牧。暫來京師者。其看

守門汛之弁 各視其爵以為差。由

內庭下嫁之格格亦如之。

由 內庭下嫁朝臣之

君。納采均不進禮物。停筵燕。成婚聘禮。郡主額

駙。進鞍馬各七。筵燕進燕五十席。酒五十瓶。羊

三十六。茶五十桶。縣主額駙。進鞍馬各五。筵燕

進燕四十席。酒四十瓶。羊二十七。茶四十桶。郡

君額駙。進鞍馬各四。筵燕進燕三十席。酒三十

瓶。羊二十一。茶三十桶。縣君額駙。進鞍馬各三。

筵燕進燕二十席。酒二十瓶。羊十七。茶二十桶。
鄉君額駙。進鞍馬各二。筵燕進燕十六席。酒十
六瓶。羊十四。茶十六桶。下嫁外藩之郡主。縣主。
郡君。縣君。鄉君。納采均停筵燕。郡主額駙。進駝
一。馬四。羊四。成婚聘禮。進馬六。牛六。羊六十。筵
燕進燕三十六席。酒三十六瓶。羊三十六。茶二
十八桶。縣主額駙。進駝一。馬三。羊五。成婚聘禮。
進馬五。牛五。羊五十。筵燕進燕三十六席。酒三
十六瓶。羊三十六。茶二十八桶。郡君額駙。進駝
一。馬二。羊六。成婚聘禮。進馬四。牛四。羊四十。筵
燕進燕三十席。酒三十瓶。羊二十四。茶二十桶。
縣君額駙。進馬三。羊六。成婚聘禮。進馬三。牛三。
羊三十。筵燕進燕二十四席。酒二十四瓶。羊二
十一。茶十八桶。鄉君額駙。進馬二。羊七。成婚聘

禮。進馬二。牛二。羊二十。筵燕進燕二十四席。酒
二十四瓶。羊二十一。茶十八桶。均設燕於額駙
第。其奩具等物。各按其爵
以頒給。合卺儀與公主同。

○凡分封之等五各

頒以儀衛莊園。與其服物。

皇子 皇孫 分封親王 郡王 貝勒 貝子 公 俱

特派大臣。會同總管大臣。查例奏請辦理。除晉
封王公字號。移咨內閣。恭迎 冊寶事宜。移
咨禮部。應隸何旗。及應得藍甲。移咨宗人府辦
理外。其應給府第。查該旗附近房屋。繪圖奏明。
移咨工部。修理鋪設。如無現成房屋。亦由工部
建造。應給外旗滿洲蒙古漢軍佐領。並府屬三

旗佐領管領之處。移咨領侍衛內大臣。會同該旗並總管大臣奏請給與。其長史護衛官員。該王公於本屬人員內揀選。移咨兵部。帶領引見補授。應得太監。視該王公現在太監多寡。按例給與。分封王公移居新府。豫期咨欽天監擇吉奏。聞。併奏派王公偕往。是日總管大臣率府屬官送入新府。並於府屬官內。選派年老結髮夫婦二人。在府迎導。其賞賜送往人員。及執事人等所食桌張羊隻奶茶。移咨各該處豫備。王公等移居後。管理家務。奏派總管大臣一人。常祭大祭。所用牛馬金銀緞布。豕米豆油麵等物。及每日所用米肉鶯鴨乾鮮果品糖燭煤炭等項。俱按奏准分例給與。應得盛京等處糧莊。奏派府屬官員前往會同該處佐領等。

照例撥給。應給牲丁。及帶地投充人丁。包衣人丁。銀莊。瓜果果園。並金銀器具冠服皮幣弓矢駝馬牛羊等物。移咨各司院豫備。均按其爵秩。以為差等。

○凡修

玉牒則以其未載者書之冊。移送於宗人府。每十年恭

修

玉牒時。本司呈請具奏。由宮殿監督領侍。將未經載入玉牒黃冊之皇子皇孫

公主格格開送到司。移進春。則奉春山春牛。以

藏於

殿閣。立春日。禮部順天府恭進春山春牛。本司官前期知會。宮殿監督領侍。至期。本司官導

引至乾清門。宮殿監督領侍恭呈。御覽。及恭呈。皇后懿覽畢。仍請出。交本司官

藏於太和殿東暖閣。將上次春山春牛奉出。

○凡

列聖

列后大事。則考其儀。會外衙門以供備。凡遇

聖。列后

大事。由司豫行知會。禮部檢稽典禮。工部營繕司備物材器。兵部備守衛。光祿寺茶膳房關

防衙門備供用。自始事以訖除服。均本司綜理。

妃

嬪以降亦如之。妃嬪之事。亦由司會同禮部工部襄理。惟常在答應之事。則本

府專司。

○設

陵寢官屬。盛京總管內務府大臣。以盛京將軍兼管理。盛京及陵寢事宜。永

陵掌關防官一人。副關防官兼內管領一人。副關防官兼尚膳正一人。副內管領。尚茶副。尚膳

副各一人。筆帖式二人。福陵掌關防官一人。副關防官二人。尚茶正。尚膳正。尚茶副。尚

膳副。各一人。內管領一人。副內管領一人。筆帖式二人。昭陵掌關防官一人。副關防官

二人。內管領。副內管領。尚茶正。尚膳正。尚茶副。尚膳副。各一人。筆帖式二人。東陵總管

內務府大臣。以馬蘭鎮總兵兼。昭西陵員外郎。主事。尚茶正。尚膳正。各一人。筆帖式二

人。端慧皇太子園寢副內管領。尚茶副。尚膳副。各一人。孝陵郎中。員外郎。主事。尚茶

正。尚膳正。內管領。副內管領。各一人。筆帖式二人。孝東陵郎中。員外郎。主事。尚茶正。尚

膳正。內管領。各一人。筆帖式二人。景陵郎中。員外郎。主事。尚茶正。尚膳正。內管領。副內

管領。各一人。筆帖式二人。皇貴妃園寢員外

郎一人。妃園寢尚茶副。尚膳副。副內管領。各

一人。裕陵郎中。員外郎。主事。尚茶正。尚

膳正。內管領。副內管領。各一人。筆帖式二人。

純惠皇貴妃園寢尚茶副。尚膳副。副內管領。各一人。西陵總管內務府大臣。以泰寧鎮

總兵兼。泰陵員外郎。主事。尚茶正。尚膳

正。內管領。副內管領。各一人。筆帖式二人。皇貴妃園寢主事。副內管領。各一人。泰東

陵郎中。員外郎。主事。尚茶正。尚膳正。內管領。各一人。孝淑皇后陵寢郎中。員外郎。主事。尚

茶正。尚膳正。內管領。副內管領。各一人。妃園寢主事。副內管領。各一人。以供祀事。每月朔望小祭。啟

管領。各一人。神龕。掌關防官郎中

等行禮。尚茶正進茶桌。供乳茶。尚膳正進膳桌。內管領進果桌。獻粉餌。尚茶副。尚膳副。副內管領。隨同進獻。尚膳尚茶司香人等。遞香盒燃燭。供爵墊。每年清明中元冬至歲暮及各陵忌辰大祭之期。遣官行禮。俱恭請神牌出龕。各官供獻如儀。妃園寢供獻各員。亦制。如

○凡

宮庭傳事。皆由太監以達府。

宮中設敬事房。屬總管大臣管轄。置總

管太監。宮殿監督領侍正侍。專管宮中一切事務。凡奉行諭旨。及承行府屬各文移。

俱照欽定宮中則例辦理。至本司設首領侍監二人。無品級副首領太監四人。太監六十人。承應一切事宜。及傳送敬事房發交文移。如本府應行敬事房文書。亦由本司太監轉送。

若奏樂亦如之。

司設中和樂處無品級副首領太監二人。太監八十人。凡遇

皇帝御內殿。皇后御中宮。所用中和韶樂。及行禮所用之丹陛大樂。皆掌於中和樂處。其中和韶樂丹陛大樂。陳樂之次。作樂之節。俱與外朝同。至筵燕應用勳斗人一百名。由三旗佐領管領下閒散人挑補。承應樂技。其每歲除夕元旦。並正月十一十四十五十六等日。乾清宮上燈。俱由中和樂處太監奏樂。如駐蹕圓明園。仍奏樂如例。所奏樂章。皆詳見樂部。

○凡太監之職自四品以降凡五等。

宮中太監品級自

四品至八品止。四品 宮殿監督領侍。五品 宮殿監正侍。六品 宮殿監。七品 執守侍。八品

侍。月給以銀米。每月 宮殿監督領侍給銀八兩。米八斛。公費制錢一貫三百。

三 宮殿監正侍給銀七兩。米七斛。公費制錢一貫二百。 宮殿監給銀五兩。米五斛。公費制錢

一貫一百。執守侍給銀四兩。米四斛。公費制錢一貫。侍監給銀四兩。米四斛。公費制錢七百。筆

帖式侍監給銀三兩。米三斛。公費制錢七百。其餘太監給銀三兩者。米三斛。給銀二兩五錢者。

米二斛半。給銀二兩者。米一斛半。公費制錢均六百文。銀由會計司行戶部支領。米由會計司

行恩豐倉支領。公費錢由廣儲司行戶部支領。其年終 恩賞太監銀二千五百兩。由崇文

門稅務 支領。 陞降遷調皆咨於吏部。 宮中太監遇 有陞降遷調據

敬事房 宮殿監督 領侍來文。移咨吏部。

○凡果園之徵收。歲數其數以具題。

南苑果園五。各給

地一項十九畝。別給贍家地各二項十畝。歲納桃李。不徵地賦。 畿輔果園頭二百九十名。內

舊園頭以丁計。每丁給地三十畝。徵銀三兩。家不過六丁。餘丁按差均分。新園頭以地計。每畝

徵銀五分。補放園頭亦以地計。每畝徵銀一錢。共地一千九百十二項四十畝七釐八毫九絲。

應額徵銀七千五百七十三兩有奇。每歲應交櫻桃、杏、文官果、馬兒李、狼發桃、沙果、蘋果、葡萄、梨、石榴、柿、核桃、白果、榛、栗等物。均准抵銷錢糧。其園地分屬永平府、延慶衛及通、滄、薊、涿、易、安、霸、灤、昌平、遵化等州。大興、宛平、房山、順義、三河、東安、鹽山、南皮、武清、懷來、懷柔、臨榆、寶坻、密雲、任邱、定興、安肅、香河、良鄉、新城、豐潤、平谷、涑水、永清、固安等縣。盛京廣寧果園二百四十一。其果園頭六。均以丁計。與畿輔同。盛京額徵銀一千五十八兩有奇。廣寧額徵銀三百五十六兩有奇。每歲應交櫻桃、梨、榛子、花紅、山裏紅、香水梨、雪梨、紅肖梨、野雞等物。俱准抵銷錢糧。其園地分屬遼陽、開原、鐵嶺、義州、牛莊、岫巖等處。畿輔催長一人。領催八人。連本身各免

兩丁。盛京催長一人。領催五人。廣寧催長一人。領催三人。各免本身一丁。均於每年十二月奏銷。其徵輸考成。及三年比丁之法。均與會計司同。園頭子弟。亦准應試。

果房。掌果二人。副掌果二人。司果執事十二人。

掌供祭祀筵燕之果。每月奉先殿。安佑宮。

恩佑寺。恩慕寺。福佑寺。坤寧宮。御花園。中正殿。慈寧宮佛樓。英華殿。

永佑廟。寧佑廟。內城隍廟。昭顯廟。凝和廟。宣仁廟。永慕寺。聖化寺。時應

宮等處。朔望及應用餼餉桌時。均供獻各種果品。大高殿。天穹寶殿。欽

安殿。宏仁寺。仁壽寺。嵩祝寺。等處。諷經道場。應用餠餠桌。亦供獻各種果品。至筵燕果。品。按時。豫備。若

內庭之果。各以時而進焉。

御茶膳房並皇

各照分例隨時進奉。如遇巡幸。每次遣六庫庫使一人。由驛馳送果報。除自京三百里以內不議外。其三百里以外。一日能馳逾二百八十里者。為一等。於應陞處列名。仍賞緞一。能馳二百五十里至二百八十里者。為二等。賞緞一。如在二百里內者。記過一次。在一百八十里內者。責四十。

贊禮郎。十七人。

掌贊祭祀之禮。

司俎官。五人。

掌供祭祀之俎實。

司俎官下。設司俎十八人。宰牲司俎十人。協供俎實。

神房。司祝。十有二人。

即薩滿。以上三旗覺羅命婦充。內司祝長二人。司祝

十人。每歲均給官用緞二端。紗綾綢絹杭細各一端。其長二人加給官用緞一端。由廣儲司領取。
司香。三十人。司碓。三十有七人。司爨。十有九

人均以府屬佐領管領下婦人充。內司香長六人。每月給銀二兩。米二斛。司香二十四人。司碓長六人。司爨長三人。每月給銀一兩。米一斛。司碓三十一人。司爨十六人。每月給銀五錢。米一斛。銀由廣儲司。米由內管領處支領。

掌祭祀祝禱香供之事。

筆帖式二十有一人。

掌繙譯。



